



بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI
MUFTILUK ZENIČKI
MEDŽLIS ISLAMSKE ZAJEDNICE TEŠANJ



GODINA VII
Broj: 4/33

BILTEN

oktobar-decembar 2013.g.
z-kade1434./muhar.1435.h.g.

Interno informativno glasilo Medžlisa IZ-e Tešanj

KURBAN-HADŽI BAJRAM 1434.h.g. (više na str.4.)



Bajramski prijem–16.10.2013. (2. dan bajrama) u obnovljenom objektu MIZ-e Tešanj (bivša medresa). Predsjednik IO upoznaje prisutne sa obnovom objekta.



Tešanj; 17.10.2013.g. „Bajram dođe“ Smotra horova - „Selimija“ hor MIZ-e Dobo; „Nuru ayni“ Kalesija; „Zefir“ Srebrenik i „Omladinski ansambl“ Tešanj.

OBILJEŽENA HIDŽRA – NOVA 1435.h.g– centralna svečanost Muftiluka zeničkog- str.5



Piljužići–04.11. 2013. (01.01.1435.h.g.) Mevlud, Obraćanje Muftije zeničkog mr. Ejub ef. Dautovića

Nastavljeni radovi na unutrašnjem uređenju zgrade Medžlisa (bivše Gazi Ferhatbegove medrese).



Miljanovci- 03.11.2013. – Mevlud – obraćanje hafiza Mirnesa ef. Spahića, profesora tuzlanske medrese.

Obilježen 10. decembar „Dan grada Tešnja“ - Hutba, tribina, Veče Kur'ana. Slika sa tribine 09.12.2013. „Vakufname u BiH“



RIJEČ UREDNIKA**BISMIL-LAHIR-RAHMANIR-RAHIM****ESSELAMU ALEJKUM,
POŠTOVANE DŽEMATLIJE!**

Ispraćamo još jednu kalendarsku godinu. Godina iza nas ostaće kao godina značajnih jubileja u okvirima Islamske zajednice: 1000-ti broj Preporoda, 80 godina Glasnika, 40 godina El-Kalema, 20 godina Muftiluka zeničkog. Ovi jubileji nas podsjećaju da je Islamska zajednica vrijednost koja pokazuje da je moguće u kontinuitetu odražavati sve naše medijske i duhovne potrebe u očuvanju islamskog identiteta. Na području našeg Medžlisa možemo reći da je to bila godina **vakufa** ili trajnog dobra. Našim angažmanom kroz razumjevanje vakufa uspjeli smo uz Allahovu pomoć između ostalog produžiti vijek trajanja Gazi Ferhadbegovog vakufa. Uspjeli smo skoro privesti kraju generacijski projekat muslimana medžlisa Tešanj ali i mandatni zadatak ovog Izvršnog Odbora na čelu sa predsjednikom Zehrudinom Kruškom kojeg je preuzeo u emanet od h. Ediba Turalića, h. Osmana Jašića pa sve do 9. maja 1909. godine kada je utemeljeno Kotarsko vakufsko-mearifsko povjereništvo u Tešnju. Ovo je prilika da iskažemo zahvalnost svima onima koji istrajavaju na dobru ali i prilika da pozovemo na **nova uvakufljenja**, po kojima ćemo biti prepoznatljivi na dunjaluku ali i ahiretu.

POZIV NA SARADNJU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis

Naša web stranica: www.miztesanj.ba
e mail: iztesanj@bih.net.ba

AKTIVNOSTI IO MEDŽLISA izdvajamo

08.10.2013.g. Održana 32. sjednica u prostorijama Medžlisa IZ-e Tešanj – prisutno 12 članova IO, Muftija zenički mr. Ejub ef. Dautović i 2 člana povjereništva džemata Piljužići. Usvojeni su zaključci: - da se džamija i prostor oko džamije urede prije naredne džume uz angažovanje komunalnog preduzeća; - da se hafiz Nijaz ef. Malagić prof. premjesti sa mjesta imama u džematu Avdipašine džamije za imama džemata Piljužići; - da se provedu izbori za džematski odbor džemata Piljužići za koje će Okružna izborna komisija okruga Zenica imenovati komisiju sastavljenu od članova izvan Medžlisa IZ-e Tešanj; - da se u petak 11.10.2013.godine klanja džuma u džamiji Piljužići i da je obavi izaslanik Reisu-l-uleme: - da se idućeg petka 18.10.2013.godine provede postupak kandidiranja i utvrdi kandidatska lista za džematski odbor džemata Piljužići u prisustvu predsjednika OIK i izaslanika Reisu-l-uleme; - da se u petak 25.10.2013. godine provedu izbori za džematski odbor džemata Piljužići...; usvojen je Plan aktivnosti u povodu Kurban-bajrama ...

27.11.2013.g. Održana 33. redovna sjednica u prostorijama Medžlisa IZ-e Tešanj – prisutno 11 članova IO. Razmatran obiman dneveni red od 14. tačaka i usvojeni zaključci: poziva se OIK okruga Zenica da okonča proces izbora za džematski odbor u džematu Piljužići; usvaja se Izvještaj o provedenim aktivnostima u povodu Kurban bajrama; usvaja se Izvještaj o provedenim aktivnostima u povodu Hidžre – Nove 1435.h.g.; usvaja se Informacija o pripremama za izradu Izvještaja o radu za 2013. i plana aktivnosti za 2014. godinu; usvaja se Odluka o zatvaranju investicije na izvođenju radova na Hamzibegovoj džamiji; usvaja se Odluka o potrebi izgradnje pomoćnog objekta sa mektebskom učionicom u džematu Karadaglije-Koprivci-Oručje; Usvaja se Odluka o imenovanju Građevinskog odbora za rekonstrukciju džamije Raduša; usvaja se informacija o aktivnostima na izvođenju radova na izgradnji-obnovi zgrade Medžlisa (bivše medrese)...

30.12.2013.g. Održana 34. redovna sjednica u prostorijama Medžlisa IZ-e Tešanj – prisutno 11 članova IO. Razmatran dneveni red: usvojen je Plan aktivnosti za obilježavanje 12. rebiu-l-evvela 1435./2014. godine; prijedlog Odluke o izmjeni Odluke o uvođenju jedinstvene članarine IZ-e na području Medžlisa IZ-e Tešanj; prijedlog Odluke o privremenom finansiranju Medžlisa IZ-e Tešanj za period januar-april 2014. godine; prijedlog Odluke o utvrđivanju osnovice za obračun plaća zaposlenicima Medžlisa IZ-e Tešanj za 2014. godinu; prijedlog Odluke o izdavanju pod zakup vakufskih nekretnina na području Medžlisa IZ-e Tešanj; prijedlog Odluke o imenovanju Komsije za popis, te prijedlog Zaključka po zahtjevu Džematskog odbora džemata Karadaglije-Koprivci-Oručje za pomoć u liječenju Sabine Softić iz džemata Karadaglije-Koprivci-Oručje u iznosu od 1.000 KM i dr.

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić, tehnički urednik Rašid Orlović
Redakcija: Salih ef. Haušić, Dževad ef. Hasanbašić, Enver ef. Kurtić, Almir ef. Hadžić i Suljo ef. Djedović, saradnici imami MIZ-e Tešanj.

Hutbe, vazovi, dersovi, predavanja... (hutbu priredio i u Čarši džamiji 06.12.2013. održao glavni imam)

VAKUF – TRAJNO DOBRO

Hvala Allahu dž.š., Gospodaru svih svjetova. Neka su salavat i selam na Poslanika Muhammeda, a.s., i njegovu časnu porodicu. Cijenjeni džematu!

Uzvišeni Allah, Stvoritelj svega, Sebe je nazvao imenom el-Vehhab – Darivatelj, Koji ne škrtari u milosti Svojoj. On ljudima daje nebrojene blagodati, a za uzvrat traži samo njihovu zahvalnost, koja se jednim dijelom manifestuje i kroz udjeljivanje dijela tih blagodati drugima.

S toga su muslimani od najranijeg perioda Islama pa sve do danas, draga srca darivali i uvakufjivali svoja dobra. Oni su se trudili da svome postojanju dadnu smisao, a najbolji put ka tome je bio da ostave iza sebe trajno dobro – vakuf. Našim precima je njihov lični imetak bio draži nego imetak njihovih nasljednika. To je logično, zar ne? Poslušajmo šta je, u vezi s tim, rekao Muhammed, a.s. On je jednom upitao svoje ashabe: "**Kome je od vas draži imetak njegovih nasljednika nego njegov lični?**" – "Božiji Poslaniče, svako više voli svoj nego tuđi imetak" - odgovoriše ashabi. Poslanik dodade: "**Čovjeku pripada samo ono što podijeli, a sve ono što ostane iza njega pripada njegovim nasljednicima.**"

Ovim hadisom Poslanik, a.s., poziva svoj Ummet da iskoriste priliku za udjeljivanje dok su još živi, jer kad smrt dođe, moraće će se za svoj imetak polagati račun na Sudnjem danu.

Dakle, nemoj mo očekivati da će naši nasljednici udijeliti nešto za nas. Udijelimo dok smo živi! Nemoj mo predavati svoju sudbinu i svoj uspjeh na Ahiretu u tuđe ruke!

Istinu iz prethodnog hadisa potvrđuje drugi hadis, u kome Poslanik, a.s., kaže: "**Umrloga prate tri stvari: njegova porodica, imetak i djela. Dvoje se vraća, a jedno ostaje s njim. Vraćaju se porodica i imetak, a s njim ostaju njegova djela.**" Prema tome, čovjek na Ahiret nosi samo djela, u koja se, između ostalog, ubraja i njegov darovani vakuf (trajna sadaka), za koji će mu pristizati nagrada (sevapi) sve do Sudnjeg dana.

A pored navedenih, još je jedan hadis utjecao na naše pretke da budu vakifi. Poslanik, a.s., je rekao: "**Dobra djela čuvaju čovjeka od zla i nesreće, skrivena sadaka gasi Allahovu srdžbu, obilazak rodbine produžava život, a svako dobro djelo je sadaka. Dobročinitelji na Dunjaluku bit će dobročinitelji i na Ahiretu, a grijешnici na Dunjaluku, bit će grješnici i na Ahiretu.**"

Naši preci nisu bili sebični i škrti, nisu mislili samo na sebe, nego i na dobrobit cijele zajednice. Oni su ulagali i u sebe, i u svoju djecu, i u druge ljude i u mnoge generacije iza sebe. Rezultat toga jesu brojni mostovi, česme, džamije, tekije, mektebi, mesdžidi, medrese, bolnice, hanovi, musafirhane, biblioteke, putevi, bezistani, dućani... **Draga braćo!**

Gazi Ferhadbeg je ustanovio svoj vakuf. Sagradio je džamiju, medresu, han, 32 dućana, imanja koja se zovu Tugavići, Jablanica, Čagličići, Ripna, mlinove na vodi poznatoj po imenu Raduša, kuću i zemlju u blizini rijeke Usora, kao i 30000 dirhema koji su davani na prirast tako da svaki 10 daje 11 dirhema. Vakuf Gazi Ferhadbega je zaslužan za urbani razvoj Tesnja. **10. decembar je dan Tešnja**, otuda sjećanje na ovog velikog vakifa je naša trajna dužnost ali podsjećanje da danas moramo svi mi biti novi vakifi, živi vakifi, hodajući vakifi koje neće moći niko više oduzeti ili nacionalizirati kao što je to učinjeno za vrijeme društveno političkog uređenja poslije Drugog svjetskog rata.

Tada je Islamskoj zajednici oduzeto pet poslovnih zgrada, 55 parcela u ukupnoj površini 14,5 dunuma, te 3600 dunuma šume što će se svakako odraziti na njenu ekonomsku moć.

Danas smo pozvani da čuvamo uspomenu na Gazi Ferhad-bega, da u granicama naših mogućnosti učestvujemo u očuvanju i produžavanju njegova vakufa kroz generacijski projekat rekonstrukcije sjedišta medžlisa u objektu nekadašnje tešanjske medrese kako bi taj projekat završili do **7. maja, Dana džamija u Bosni i Hercegovini**.

Većina Bošnjaka danas gubi korak za svojim precima u uvakufjavanju. Imaju više imetka nego njihovi preci, ali manje dijele. Vjeruju, ali su zaboravili hadis: "**Davanje nikome neće umanjiti njegov imetak.**"

Dragi Allah poručuje: "**Vi ste, eto, pozvani da udijelite na Allahovom putu, ali neki od vas su škrti. A oni koji su škrti, na svoju štetu su škrti. Allah je bogat, a vi ste fukara'a ako glave okrenete, Allah će vas zamijeniti drugim narodom, koji neće biti kao vi.**" (Muhammed, 38.)

Dakle, Dragi Allah će titize zamijenti džometima. A zašto je Uzvišeni Allah rekao da je štetno biti škrt? On je u Kur'anu **udjeljivanje** imetka opisao kao **davanje imetka Allahu u zajam**, pa na jednom mjestu veli: "**Ako Allahu draga srca zajam date, on će vam mnogostruko vratiti i oprostiće vam. Allah je zahvalan i blag.**" (Et-Tegabun, 17.) Poruka ajeta je jasna, ono što daš u zajam Allahu, dž.š., dobit ćeš nazad višestruko i Dragi Allah će ti taj imetak sačuvati kao iznenađenje na Sudnjem danu, kada budeš polagao račun i kada na sve strane budeš tražio nekoga ko bi ti mogao u pomoć priskočiti.

Braćo moja! Dan našeg rastanka sa našim imetkom je sve bliži, a time i Dan polaganja računa pred Sveznajućim. Zato, ostavite iza sebe, što više možete, trajne sadake. Razmislite o riječima Uzvišenog Gospodara: "**I udijelite od onoga što smo vam dali, prije nego nekome od vas dođe smrtni čas, pa da onda rekne: 'Gospodaru moj, de me još malo zadrži, pa ću udjeljivati i bit ću dobar.'** Allah nikome, kome smrtni čas dođe, neće život produžiti. Allah dobro zna šta vi radite." (El-Munafikun, 10-11.)

Molim Dragog Allaha da nas uputi na Prvi put, da nam podari beričet u našim poslovima i da nam dadne volju da dio svoga imetka uvakufimo za našu i dobrobit cijele zajednice! Amin.

„KURBAN-BAJRAM 1434. h.g.-2013.g.“ nastavak sa naslovne strane

Ikrar dova i ispraćaj hadžija – 02.10. 2013.g- U Kutahya džamiji u Tešnju u poslije podne namaza pred polazak hadžija glavni imam se obratio i proučio Ikrar dovu, nakon čega su hadžije otputovale prema aerodromu u Sarajevu.

Upoznavanje džematlija o propisima kurbanu - na hutbama u svim džamijama imami u petak 11. 10. 2012. godine upoznali džematlije sa propisima o kurbanu i kurbanskim kožicama.

Glavni imam mr. Fuad ef. Omerbašić i Općinski načelnik mr. Suad Huskić posjetili su vrtić Blizanci u Jelahu i u OŠ „Huso Hodžić“ prisustvovali priredbi koju su izveli učenici ove škole.



Ikrar Dova – Kutahya dž.



U Obdaništu Jelah



Priredba u OŠ „Huso Hodžić“

„Dan Arefata i Kurban - Bajram“ - 13.10.2013.g. - u džematima održan zajednički čas sa polaznicima mektebske nastave na navedenu temu, a u nekoliko džemata i podijeljeni bajramski paketići.

Uplate kurbanu za potrebe medresa – od džematlija prikupljeno i za potrebe medresa u BiH uplaćeno ukupno 152 kurbanu po cijeni od 350,00 KM.

Bajram-namaz – 15.10.2013. klanjan u svim džamijama. Vrijeme između sabaha i bajram-namaza iskorišteno je za prigodno predavanje imama. Centralno mjesto klanjanja Bajram-namaza ove godine je bila Čarši-džamija Tešanj gdje je hutbu održao i Bajram-namaz imamio glavni imam Mežlisa IZ-e Tešanj mr. Fuad ef. Omerbašić.

Bajramski prijem – organiziran drugi dan bajrama u novim prostorijama Medžlisa IZ-e Tešanj, uz obraćanje predsjednika IO Medžlisa IZ-e Tešanj Zehrudina Kruške, Općinskog načelnika mr. Suada Huskića i glavnog imama mr. Fuad ef. Omerbašića. Poslije prijema posjetioci su obišli prostorije i upoznali se sa izvođenjem radova.

Prikupljanje kurbanskog mesa - Drugog dana Bajrama prikupljeno oko 3 tone kurbanskog mesa i uručeno povratnicima u Teslić i Doboj, te rehabilitacionom centru „Duje“.

„Bajram dođe“ smotra horova u velikoj Sali Centra za kulturu Tešanj treći dan bajrama organizirali Medžlis IZ-e i Omladinski ansambl Tešanj.

Kurbanske kožice – Ove godine prikupljene iz svih džemata drugog dana bajrama poslije ikindije i predate firmi „Koteks“ iz Tešnja. Prikupljeno 622 goveđe kurbanske kožice (16.172 kg) i 2.366 ovčijih. U odnosu na prošlu godinu više ovčijih, a manje govedih kožica.

Bajramska sergija –sredstva sa sergije se uplaćuju u Vjersko-prosvjetni Fond Medžlisa IZ-e Tešanj od čega se i iz tih sredstava izdvaja 25% za potrebe džemata. Na sergiji ove godine u svim džematima prikupljeno je ukupno 20.952,30 KM. Dio ovih sredstava Medžlis je utrošio u nabavku novog namještaja u mektebskim učionicama.

Bobare – otkriveno šehidsko spomen obilježje – 18.10.2013. (4. dan bajrama) pred džumu. Šehidsko spomen obilježje otkrio je Emin Kurdić, otac rahmetli Huseina, prvog šehida iz Bobara, a porodicama šehida i poginulih boraca, mnogobrojnim prisutnim posjetiocima prigodnim govorom su se obratili predsjednik G.O. Adem Kurdić, predsjednik OPŠiPB općina Tešanj i Teslić Muhamed Jahić, Općinski načelnik mr. Suad Huskić i glavni imam Medžlisa IZ-e Tešanj mr. Fuad ef. Omerbašić. Mevlud za šehide u džamiji poslije džume proučili su polaznici mektebske nastave ovog džemata i imami susjednih džemata, a prigodno se obratio džematski imam Saudin ef. Bašić.

Oraš Planje –Mevlud - 18.10.2013. - Poslije jacie namaza, proučen tradicionalni prošireni mevlud za šehide u novoj „Plavoj“ džamiji. Mevlud proučili imami Medžlisa IZ-e Tešanj, a prisutnima se prigodno obratili dr. Šefik Kurdić i glavni imam Medžlisa IZ-e Tešanj mr. Fuad ef. Omerbašić.



Predaja kurbanskog mesa



Bobare- Otkrivanje šeh. spomen obilježja



O. Planje - Mevlud

„HIDŽRA – NOVA 1435. h.g.“ nastavak sa naslovne strane (1. muahrrem 1435.h.g. 04.11.2013.)

1. Prigodni programi u svim džematima– u nedjelju 03.11.2013.g. poslije akšama ili jacije namaza uz obraćenje džematskih imama

2. Čas historije i podjela prigodnih paketića polaznicima mektebske nastave –nedjelja 03.11.2013. god. upriličeni u većini džemata. Glavni imam prisustvovao podjeli paketića i održao čas na temu Hidžre u Čarši džamiji gdje su paketići uručeni za polaznike mektebske nastave iz Šarenog mekteba – džemati Čarši džamije, Dibekhane, Harman i Avdipašine džamije, te u Kutahya džamiji za polaznike mekteba iz džemata Bukva (punktovi Bukva, Čifluk, Logobare i Kutahya džamija).



Podjela paketića: u Čarši džamiji



u Kutahya džamiji



i Jelahu

3. Mevlud u Miljanovcima – džamija na Palučku – u nedjelju 03. 11.2013.g. poslije podne-namaza, kao tradicionalna centralna manifestacija Medžlisa IZ-e Tešanj. Ajete iz Kur'ana Časnog, mevlud i ilahije proučili imami i hor Medžlisa IZ-e Tešanj, a prisutnima su se pored džematskog imama Raif ef. Hasaka, prof. obratili i o hidžri i njenim porukama govorili glavni imam Medžlisa IZ-e Tešanj mr. Fuad ef. Omerbašić i hafiz Mirnes ef. Spahić prof. kiraeta iz „Behram-begove“ medrese u Tuzli.

4. Mevlud u Piljužićima – u ponedjeljak 04.11.2013. g. – 1. muharrema 1435.h.g. kao centralna manifestacija Muftiluka zeničkog. Mevlud su proučili imami Medžlisa IZ-e Tešanj.

U svojim obraćanjima o značaju hidžre govorili su džematski imam hafiz Nijaz ef. Malagić, prof., glavni imam Medžlisa IZ-e Tešanj mr. Fuad ef. Omerbašić i Muftija zenički mr. Ejub ef. Dautović, a dovu na kraju programa proučio glavni imam Medžlisa IZ-e Teslić Džafer ef. Gračić prof.



Miljanaovci – Raif ef. Hasak prof.



Piljužići - hafiz Nijaz ef. Malagić prof.



Dio prisutnih u Piljužićima

5. Trbina u džamiji džemata Jelah „Smak svijeta evo dolazi“ održana u nedjelju 10. 11. 2013. godine, na kojoj su o nevedenoj temi govorili džematski imam mr. Almir ef. Hadžić (uvod) i dr. Šefik Kurdić autor istoimene knjige. I ovoj manifestaciji je prisustvovao veliki broj posjetilaca.

6. Ašura – tradicionalni 21. po redu prigodni program u Avdipašinoj džamiji u Tešnju u srijedu 13. 11.2013. na kojoj su mevlud učili imami Medžlisa IZ-e Tešanj, kraći zikr predvodio hadži Hidajet Čeman, a prigodno se obratili glavni imam i Ejub Jašić – student.

7. Tribina u Plavoj džamiji Oraš Planje – „Islamski brak i porodica“ održana u nedjelju 17.11.2013.godine, na kojoj je prigodno predavanje na navedenu temu održao hafiz mr. Senaid Zaimović, direktor Vakufske direkcije u Sarajevu, u prisustvu velikog broja džematlija.

Mračaj –Potočani, 31.12.2013. g. Proučen mevlud, uručene vakufname i zahvalnice vakifima za izgradnju infrastrukture džemata (džamije, vakufske kuće sa mektebskom učionicom i zemljišta) .

Kur'an, mevlud, ilahije i zikr, su proučili imami Medžlisa IZ-e Tešanj, a prisutnima se obratili džematski imam Muris ef. Braćkan, glavni imam Medžlisa IZ-e Tešanj mr. Fuad ef. Omerbašić i Nezim ef. Halilović „Muderris“, šef ureda za hadž. Vakufname vakifima uručio predsjednik IO Medžlisa IZ-e Tešanj Zehrudin Kruško, a zahvalnice Senad Kujundžić, predsjednik dž.o. Uručeno ukupno 36 vakufnama i 34. zahvalnice.



Obilježen 10. decembar „Dan grada Tešnja“

1. Hutba – „Vakuf – trajno dobro“ 06. 02. 2013. godine - navedena na strani 3. prezentirana u svim džamijama na području Medžlisa IZ-e Tešanj.

2. Tribina – „Vakufname u BiH“ - 09.12.2013. godine, održana u maloj sali Centra za kulturu i obrazovanje Tešanj. Na navedenoj tribini učesnici su bili dr. Mustafa Hasani, profesor na Fakultetu islamskih nauka u Sarajevu i mr. Senaid Zajimović, direktor Vakufske direkcije, a moderator tribine bio je mr. Fuad ef. Omerbašić, glavni imam Medžlisa IZ-e Tešanj. Na navedenoj tribini, učesnici su govorili o najstarijim i najznačajnijim vakufima i vakufnamama u BiH, uz to pohvalivši Tešanj i Tešnjake, koji su prepoznali značaj vakufa Gazi Ferhad-bega u Tešnju, uzimajući upravo datum osnivanja vakufa Gazi Ferhad-bega u Tešnju (10. rebiu-l-evvel 679. godine po Hidžri), kao dan kojim se obilježava Dan grada Tešnja.

Direktor Vakufske direkcije, posebno je pohvalio Medžlis IZ-e Tešanj na otpočinjanju projekta temeljite rekonstrukcije i nadogradnje objekta Gazi Ferhad-begove medrese u Tešnju, koja se duže vrijeme koristi kao sjedište Medžlisa IZ-e Tešanj. Nakon održane tribine, iskorištena je prilika da se dodijele i vakufname porodici Ahmetlić iz Tešnja, koja je jedan od značajnijih vakifa na području Medžlisa IZ-e Tešanj i vakif jedne od munara Kutahya džamije u Tešnju.

3. Večer Kur'ana – Čarši džamija Tešanj – 10. 12. 2013.g. – održana poslije jacie namaza.

Kur'an su učili hafizi: Nermin ef. Ibrahimović, imam džemata Miljanovci Novi; Nijaz ef. Malagić, imam u džematu Piljužići; Ahmed ef. Bukvić, imam u džematu Hamzi-begove džamije i Almir ef. Salkanović, imam u džematu Šije Donje Polje. Na navedenom programu prisutnim džematlijama obratio se mr. Fuad ef. Omerbašić, glavni imam Medžlisa IZ-e Tešanj, te gost predavač hafiz Nedžad ef. Čeman.



Tribina - Uručenje vakufname Hajrudinu Ahmetliću



Večer Kur'ana – hafiz Bukvić uči Kur'an.

Edukacija odraslih:

Šareni mekteb – kursevi stranih jezika - U organizaciji Medžlisa IZ-e Tešanj počelo je održavanje kurseva za strane jezike i to: arapski, turski i engleski. Navedeni kursevi se održavaju svake subote poslije akšama i jacie namaza. Predavači su profesori: Enver ef. Kurtić i Salih ef. Haušić za arapski jezik; Hasan ef. Solo za turski i Amar ef. Bedaković za engleski.

Džemat Miljanovci Novi - Učenje Sufare i Kur'ana – u periodu od 6. novembra 2013. godine zaključno sa 25. decembrom proveden kurs učenja sufare na kome je 9 odraslih uspješno proučilo cijelu sufaru, koji su u znak zahvalnosti muallimu hafizu Nerminu ef. Ibrahimoviću prof., prijateljima i rodbini priredili prigodnu večeru u nedjelju 29.12. 2013. godine u mektebskoj učionici poslije jacie namaza. Prije večere svim svršenicima je uručena svjedodžba o završenoj sufari. Sufaru su proučili: Enes Hadžan, Mirvet Okić, Nihad Kruško, Amela Kruško, Suvada Jacić, Aldina Klepić, Samra Klepić, Samira Smajić i Mihreta Brković. Uporedo sa ovim kursom u ovom džematu je vršena i obuka odraslih u učenju Kur'ana kojima su 15.03.2013. godine uručene svjedodžbe o završenoj hatmi, a koji su već proučili pola Mushafa.

Hamzibegova džamija – Učenje Sufare i Kur'ana – 21. 12. 2013. godine završen kurs učenja sufare u kome su uspješno proučili sufaru slijedeći polaznici: Dženana Deljkić, Emina Šišić, Envera Karahodžić, Fahira Alićehajić, Amela Mujkić, Samir Mujkić, Melika Botić i Mina Brka. I u ovom džematu je paralelno učena hatma pojedinačno za svakog polaznika koju su učili polaznici koji su ranije proučili sufaru.

Dibekhana džamija-Tefsir Kur'ana–džematski imam Salih ef. Haušić prof. svakog četvrtka od akšama do jacie.

Oraš Planje – Tribine u „Plavoj“ džamiji 15.12.2013.g. – Temu „razumijevanje Kur'ana“ prezentirao mr. Elvedin Huseinbašić; 29.12.2013.g. temu „Ka novom životu“ prezentirao mr. Mustafa Prljača, glavni urednik Glasnika IZ-e.

Mračaj-Potočani: Tribine – 01.11.2013.g. Esmir Halilović; 29.11.2013. g. temu „Kako predstavljamo islam danas“ prezentirao Šefko ef. Sulejmanović prof.



O. Planje - Tribina



Šareni mekteb - Dio polaznika kursa



Miljanovci Novi – svršenicima kursa za učenje sufare

Aktivnosti..., događaji..., iz naših džema'ata...**Piljužići – Izbori i konstituisanje novog dž.o. – 11.10.2013.**

postavljen novi imam hafiz Nijaz ef. Malagić prof.; 25. 10.2013.g. provedeni izbori za novi džematski odbor – izabrani: Hajrudin Bećar, Seid Solo, Ismet Džafić, Smajo Garić, Ismet i Vahid Mudrov. Za predsjednika izabran Hajrudin Bećar. Primopredaja izvršena 27.12.2013.g.



Miljanovci – 28.12.2013.g. – Mevlud – proučili učenici OŠ „Džemal Bijedić“. Ovo je 9. godina za redom kako učenici ove škole izvode program u jednoj od džamije na ovom školskom području (Miljanovci, Miljanovci Novi i Piljužići).

**Mektebske vannastavne aktivnosti -**

09.11.2013. g. U džematu Miljanovci Novi muški polaznici su sa svojim muallimom hafizom Nermin ef. Ibrahimovićem prof. uređivali vakufsku parcelu „Breza“ zasadeni mladim sadnicima i zasadili nove sadnice na mjestu gdje su ranije bile oštećene, dok su djevojčice čistile i uređivale džamiju, mektebsku učionicu, harem džamije, parking i ulicu pored džamije.

Na zajedničkom mektebskom druženju preko 200 polaznika mektebske nastave iz tri džemata – Čaglići, Jablanica i Karadaglije-Koprivci-Oručje organizovanom na najpoznatijem tešanjskom izletištu „Kiseljak“ instruktori Odreda izviđača „Crni Vrh“ Tešanj: Mujo Pobrić, Željo Katavić i Almedin Nakić su kroz trening (teoretski i praktično) ovim polaznicima mektebske nastave prezentirali tri teme: 1. Orijentacija i snalaženje u prirodi, 2. Prva pomoć i 3. Poroci u društvu i borba protiv njih. Da bi dolazak na određite i sve aktivnosti protekle u najboljem redu pobrinuli su se muallimi ovih džemata: Mirsad ef. Bećirović, Dževad ef. Hasanbašić i Husein ef. Bećirović prof.

U znak podrške ovim aktivnostima pridružio se i glavni imam Medžlisa IZ-e Tešanj mr. Fuad ef. Omerbašić.



Miljanovci Novi – Akcija



Crni Vrh – druženje



Piljužići - Posjeta glavnog imama

Tešanj: stručni seminari za imame:

6. stručni seminar - 19. 11. 2013.g. u Čarši džamiji u Tešnju na kome je temu „Uloga imama u promociji obaveze zekata među poslovnim ljudima – trenutno stanje“ prezentirao glavni imam mr. Fuad ef. Omerbašić. Ovaj rad je objavljen u Glasniku Rijaseta IZ-e u BiH broj: 9-10/2013. , str.767.

7. stručni seminar - 03.12.2013.g. u Čarši džamiji u Tešnju na kome je temu "Reformističke ideje škole Elmenar u Glasniku Ismalske zajednice u Bosni i Hercegovini od 1933. do 1982.“ prezentovao mr. Almir ef. Hadžić. Ovom temom je Almir ef. 19. 06. 2013.godine odbranio magistarski rad na FIN-a u Sarajevu čime je stekao zvanje magistar islamskih nauka (oblast Tefsira).

8. stručni seminar - 17.12.2013.g. u Čarši džamiji u Tešnju na kome je temu „Muhammed a.s. najbolji pedagog“ prezentirao Muris ef. Braćkan, imam džemata Mračaj-Potočani.


9. stručni seminar – 31.12.2013.g. u Čarši džamiji u Tešnju na kome je temu „Kakve nam hutbe trebaju“ prezentirao Mustafa ef. Balić prof., imam džemata Tešanjka.



Glavni imam



mr. Almir ef. Hadžić



Muris ef. Braćkan




Mustafa ef. Balić



Završeni drveni radovi u atriju- 31.10.20132.g.

Postavljanje vrata-sprat i stubova-prizemlje-20.10.2013.



Postavljanje šišeta i keramike – 03.12.2013.



Završeni građevinski radovi na spratu i krovu zgrade uz Kahvu, prostor uvakufio Suljo Hrvic – 07.11.2013.

POZIV VAKIFIMA ZA PODRŠKU IZGRADNJI (OBNOVI) OBJEKTA

Vaša novčana sredstva namijenjena za izgradnju (obnovu) ovog odbjeka možete uplatiti na blagajni Medžlisa ili na transakcijski račun Medžlisa IZ-e Tešanj broj: 160-300-55-00011523 kod Vakufske banke, filijala Tešanj

MRKOTIĆ-PUTEŠIĆ–28.11.2013.
obnovljen predulaz mesdžida Putešić.



Bukva – završeno ograđivnje mezarja u Logobarama.



NOVO SELO – 03.11.2013. Završena sanacija munare, utrošeno 16.000 KM.



KRAŠEVO – 31.10. 2013.
Završena sanacija munare.

